



UNIVERSITÄTS-
BIBLIOTHEK
PADERBORN

Indiae Orientalis Provincia.

[urn:nbn:de:hbz:466:1-66783](#)

INDIAE ORIENTALIS

PROVINCIA.



INDIAE Orientalis Prouincia omnia sunt in Societate, vastissima est in ea numeratur Collegia octo in uniuersum, locorum spatius valde inter se disiuncta, Goense, Salsettanum, Bazainense, Cocinense, Malacense, & quae in Iaponis insula sunt inchoata, Bungense, & Sunaense. Residentiae propriæ ac distinctæ octodecim sunt, Chaulana, Bandoracensis, Tanaensis, Damanensis, Coulana cum ora Trauancori, Punicalensis cum ora Pescariae, S.Thomæ, Amboinenensis cum Malucensi, Sinensis in Machaone Lusitanorum vrbe: octo præterea in Iapone Meacensis, Cocinocuensis, Firandensis, Nagusaquensis, Omurensis, Cuciana, Facatensis, duæque Amangu-tenses. His addi potest Residentia Aethiopæ, & Missio nostrorum in Regnum Achebar, qui vulgo magnus Magor nominatur. Sunt præterea minores aliæ Residentiæ in India, vix à prædictis Residentiis Collegiisue distinctæ: multique item è Societate sunt per huius Provinciæ regna dispersi; de quibus singulis suis locis aliqua perstringetur. In his omnibus locis Sociorū numerus est ducentorū octoginta septem. Societati nomina dederunt 13. præter eos, quos in Iapone

F 4 in So-

88 INDIÆ ORIENTALIS

in Societatem admissos auditum est. Vita migrarunt
nouem.

Ex ijs nauibus, quæ e Lusitania soluerunt, tres, in
quibus Franciscus Mascarenas Prorex vehebatur,
Goensem portum incolumes tenuere; quarta 16. kal.
Nouembr. ad Coccinum appulit. Classem nonnihil mor-
bi afflixerant, qui ministerijs inuicem & contagione
per confertam in naues multitudinem vulgati, nonnul-
los extinxerunt. Ea res nostris (quatuordecim enim
in quattuor naues distributi, profecti sunt) magna ad
omnem patientiam & caritatis officium materia fuit;
illudq. omnium iudicium fuit, multo maiorem stragem
futuram fuisse, nisi nostrorum diligentia & curatio
presto fuisset; quamquam ne ab ijs quidem morbis ab-
fuit, varie enim omnes & periculose ægrotarunt, verū
Dei benignitate ex morbis omnes emerserunt: unus P.
Franciscus Martinez in ipsa nauigatione mortuus,
portum, ut speramus, Goensi multo meliorem tenuit.
Barbarorum conuersio bene succedit. tria circiter mil-
lia baptizati sunt: plurimi Christianis adhuc præce-
ptis imbuuntur, qui numerus longe maior fuisset, nisi
dissensiones, quæ inter huius regionis Principes exsti-
terunt, Euangeli promulgationem impedissent.

COLLEGIVM GOENSE

A Lit Goense Collegium 10 s. è Societate, qui tum
in Christianis in officio ac fide retinēdis ac pro-
mouendis, tum in Ethniciis ad Christi cultum traducen-
dis, diligenter inuigilant. Confessio & communio in tē-
plo no-

plo nostra ita frequens est, ut festis diebus, præcipue vero iubilæi tempore, communicantium capita censa sint duo millia. Dimituntur Nostri in varias urbis regiones, qui seruitiorum, & eorum, qui carceribus detinentur, confessiones audiant, curatiq. est, ut in ipso carcere facellum ædificaretur; in quo ad vincitos singulis diebus Dominicis rem diuinam nostri faciunt. Quadragesimæ tēpore singulis diebus Veneris concio in tēplo nostro habetur, ad quam magni sexus utriusq. concursus fiunt: hebdomadæ autem sanctæ ferijs, etiū suppli cantes se seq. diuerberantes, magna cum religione sub vesperam homines prodeunt. Sanctorum festos dies singulari cærimonia & apparatu celebrantur, tum quod ea ratione Neophyti in suscepta fide magis confirmantur, & paternas superstitiones dediscunt; tū vero quod ethnici huiusmodi spectaculis confunduntur, & vnam Christianorum religionem veram esse coguntur fateri. Dominicis diebus quindecim aut viginti è nostris in parœcijs populo catechismum tradūt; semperq. per eam occasionem ethnici aliquot in Christi rete compelluntur. Duo viri nobiles cum grauissimas inimicitias interesse exercebant, odijs depositis mutuam benevolentiam suscepserunt; eorumq. alter, qui fecerat iniuriam, veniam ab aduersario supplex publice petiit.

Baptismi hoc anno inter ceteros habitu sunt duo cū apparatu magnifico, primus quidem in Goano Collegio D. Pauli Conuerstionis die capitum 400. alter in oppido S. Laurentij tribus ab urbe Goa passum millibus, ipso Martyris die candidatorum 650. Apparati sunt autem baptismi quam amplissime; quo Indi, qui valde

exter-

externa cœrimoniarum specie capiuntur, veteres ritus ac superstitiones non desiderent. Sub signis omnes, recentibus vestibus induiti, quas nostri ex eleemosynis conficiendas curarunt, cum tibiarum tubarumq. cantu, ramos palmarum tenentes, agmine composito prodiere. Baptizatos suscepere nobilissimi quique; qui etiam honoris & benevolentia caussa, sua Cädidatis nomina imposuere. Præter hos, priuatis baptismis 200. circiter iustrati sunt. Datur autem opera diligentissime à nostris, ne cuiquam Christiana religio fraudi sit; id quod facile Gubernatorum pietate ac religione consequuntur, qui Neophytis habent honorem, publicaque munera credunt. quod Christianam rē non mediocriter adiuuat: propterea quod Indorum gens ambitionisior est, statimq. ad earum rerum studia accenduntur, quæ apud ceteros esse in honore viderint. Rex Catholicus Neophytes duos ex Indica nobilitate Christi Commendatores creavit; quæ res dici non potest, quantum vel populares lætitia affecerit, vel ipsos ad Christianæ fidei propagationem excitarit, itaque eorum alter, Cocinoveniens Regis Maluarum nauim incendit: ac modo nauibus quinque præfectus, eo animo soluit ex hoc portu, ut aliquod egregium facinus in Infideles edat.

Ex hoc Collegio Aprili mense in Iaponem profectus est Sacerdos unus comite fratre quodam. Alij duo Patres, frater unus ad Malucum sunt dimissi: qui enim anno superiore eo profecti sunt P. Georgius Fernandez, & Gomez Damaralius, in portu, dum confessiones audiunt, ab Tais Christianorum inimicissimis inter-

interfecti sunt. In duobus item castris vicinis à duobus Patribus, totidemq. fratribus, res Christiana bene gesta est. Choranum proxima insula est, in ea visitur nostrorum Residentia, qui eam vineam sane frumentosam colunt. Prope Collegij Suburbanum Ecclesia est S. Anna, hanc olim nostri administrarunt, multiq. adhuc supersunt, qui à nostris ad fidem sunt traducti. Huius curam denuo suscipere, cum Sacerdote careat, summis Senatus precibus coacti sunt nostri, qui eam magno religionis incremento procurant.

DOMVS ROSARI.

Rofarij Domus anno superiore coemptis aliquorū aedibus concinnata est. quæ, cum cælo sit valde salubri, soloq. amæno, ijs valde etiam commoda erit, qui affecta valetudine eo se receperint. Hæc Domus mense Februario habitari primum cœpta est, duodecim è nostris in eam profectis; in quos valde fuit insignis ciuium liberalitas; unus 1200. pardalos (monetæ genus id est) testamento reliquit: magna item pecunia summa in domus ædificationem deposita est. Neque vero minor fructus ostenditur; restitutiones enim multæ factæ sunt, etiam à Saracenis Ethnicisq. in his aliquot dum millium pardalum; alijsq. præterea Societas muneribus Christiana religio promota est.

COLLEGIVM SALSETTANVM.

DEgunt in Salsettano Collegio de Societate 14. qui sex in Ecclesiis, quæ in eo agro sunt, muna-
ra So-

ra Societatis administrant. Eius Collegij fructum non mediocriter impediunt bellici tumultus, qui superioribus annis ijs in locis excitati sunt; per quos tumultus, Collegium ipsum nonnullam suorum vestigalium fecit iacturam. Missus est ad res componendas à Rege Dux quidam, cuius prudentia, & auctoritate omnia in pristinum statum restitutum iri speramus. In castro, cui Rachol nomen est, templum hoc anno exstrui cœptum est forma pulcherrima, quod quoniam ex lapidibus calceq. in ijs partibus primum est ex ædificatum (cetera enim hactenus ex lignis paleisq. texebantur) pacem ac tranquillitatem Christianorum rebus in posterum ominamur: die Nivium, res diuina in eo sollemni ritu cærimoniali, peracta est. In ea regione conversiones quedam Gentilium exstiterunt mirabiles, qui exactam etate ad id unum reseruari videbantur, ut Christiana sacra susciperent. itaque aliquot baptismatæ abluti vita illico discedunt, Iesum in extremo spiritu pronunciantes. Anus quedam annum agens nonagesimum ad nos venit baptismum petens; que pro captu articulos fidei edocta, baptizataq. biduo post migravit ad Dominum. Alter è nostris Sacerdos, cum in agro Gentili cuiusabarbarorū confutaret errores, ac celestis gloriæ felicitatē exponeret; permotus ille caput vehementer petere, ut nulla interposita mora baptizaretur: quod vires sibi sensim deficere, ac vitæ suæ finem diceret instare. itaque pro tempore instructus ac baptizatus illico mortuus est. Idem Sacerdos iter faciens in annum incidit via labore defessam. hæc Patri per interpretem interroganti quænam esset; respondit num-

dit numquam se alias oppido egressam, tunc vero
interiore quedam animi impulsu actam cogitasse Ec-
clesiam adire, ut ad Christi familiam aggregaretur, ea-
que cogitatione magnam metu sue iniectam letitiam:
verum ex laetitudine institutum iter se persequi non
posse. id audiens Pater edisserit mulieri fidei capita,
et salutari aqua perfundit. mulier paulo post pie ad-
modum defuncta est. Alia mulier in Saracenorum
terrī cum morbo laboraret, consequendi baptismi
causa, Salsettum petere constituit: cum autem propter
virium infirmitatem ad Ecclesiam accedere non po-
tuisset; unum e nostris euocauit, a quo baptizata ter-
tio die discessit e vita. Haec igitur, aliaque his similia
quotidie accident permulta, ex quibus liquido con-
stat quam Deus non sit acceptator personarum, quāq.
incomprehensibilia sint illius iudicia. Præter eos au-
tem, quos in S. Laurentij oppido sacro fonte renatos
esse dixi; Catechumeni supersunt 600. qui Christia-
nis præceptionibus ad baptismum rite suscipiendum
præparantur. Margani publicum paletudinarium est,
ei Rex vectigalia attribuit, que satis sunt ad ægrotos
300. alendos: multiq. Gentilium, cum eō curandi cor-
poris causa se receperissent; per eam occasionem ad
Christi cultum inducti sunt.

COLLEGIVM BAZAINENSE.

BAZAINI de Societate 15. versantur magno cum
rei Christianæ adiumento. in Christi enim fidem
venerunt 200. aliq. multi Christiana Catechesi eru-
diuntur;

diuntur; ad quos alendos aurei 250. sunt à Rege attributi. Concionum confessionumq. fructus idem, qui solet. multi fraudatam pecuniam reddiderunt; in his aliqui pardalos 1000. inter multos conciliata pax. Quidam cum facinus capitale perpetrasset, metu supplicij ad Saracenos perfugit: is vi retractus capiteque damnatus, Patrem iussit accersiri, magnisq. contritionis signis generalem vitæ confessionem peregit. Missiones duas factæ sunt in castrum, quod in monte Asserano est situm; ubi res Christiana bene gesta est.

TANAENSIS ET BANDOREN-
sis Residentia.

IN Residentia Tanaensi quattuor è nostris commorantur. huic Residentie aliæ duæ sunt annexæ, quarum una est in S. Trinitatis vico, altera in oppido Conditonensi S. Ioannis, in his singulis bini habitant de Societate. omnes autem in iisdem occupationibus æque Christianos atque Ethnicos iuuandi laborant. Ad Chrlsum accessere octoginta.

Bandora paruum oppidum est non longe ab urbe Goa; in eo quattuor è nostris versantur: qui in oppidanorum salutem toto pectore incumbunt. itaque tribus baptismis plus mille Christiani facti sunt; neque iam in eo oppido nullum veteris superstitionis vestigium appetet. Huius rei famam in alia mediterranea oppida penetrasse, magnisque animorum motus concitasse cognouimus.

R.E.

RESIDENTIA DAMANENSIS,
& Chaulana.

Residentia Damanensis septem habet è nostris
ijsde fere muneribus occupatos septuaginta ad
Christi fidem sunt conuersi, in his mulier venefica, quæ
morti adiudicata, & baptizaretur, efflagitauit, ac sup-
plicium spei plena forti animo pertulit. Templum om-
nium pulcherrimum, quod superioribus annis ex ele-
mosinis ædificari fuerat cœptum, hoc anno ad tectum
perductum est. in cuius ædificationem non Christiani
modo, sed ipsi etiam Ethmici multas eleemosinas con-
tulerunt; in his unus 200. pardalos. Templum ipsum
11. millibus Virginum dicatum est, in quo sacrosan-
ctum unius ex illo numero caput à R. P. Generali
missum, cum sollemni ritu ac cærimonia collocatum
est. Diemque illum ciuitas festum ac sollemnem esse
decreuit.

In Residentia Chaulana sunt è nostris quattuor. Te-
plum ex ædificatum est commodum, in cuius constru-
ctionem 1400. aureorum sumptus facti sunt. Emptus
est hortus præterea, & fundus quidam, in quo domus
nostris ædificetur. in ea ciuitate, quod Indiæ portus sit
ingens, multa è re diuina geruntur. Pirati aliquot cā-
pti, capiteq. damnati Christianam fidem suscepserunt.

COLLEGIVM COCINENSE.

Constat Cocinense Collegium Socijs septendecim;
ad quos concionum sacramentorumq. causa con-
curritur.

curritur. Communicantium numerus maiore anni parte 500. fuit, confitentium etiam maior: præcipius vero festis 700. circiter in æde nostra sacram Eucharistiam suscepereunt. Maxima autem hominum multitudine ad nostrum templum confluxit anniversario Beatæ Mariæ Virginis die (is incidit in ante diem 15. kal. Ianuarij, nostriq. templi præcipiuus est) quo die non genti sacram synaxim obierunt: longe plures confessi nostris, in alijs templis communicarunt. Quadragesimæ tempore Dominicis diebus Christiana doctrina seruitijs explicatur; magnusq. fructus ex eorum confessionibus perceptus est. Miliui digitus in rixa fuerat præcisis; quamobrem cædem, atque ultionem modis omnibus anhelabat, is nostris confessus, ita mutatus est, ut aduersarium conuenerit ipsemet, reum se fecerit, culpamq. deprecatus sit. Duo inter se coniugio iuncti, animis dissidentes ad concordiam traducti sunt. alter à nefaria ecclesiastice personæ nocendi voluntate deductus est. Vir princeps mortii proximus, unum de nostris Sacerdotibus vocari iussit, in cuius manus totū se tradidit, ut maiore cum luce ab eo in ihs, quæ ad animali salutem pertinent, regeretur. itaque cum die quinto mortuus esset; magnam ex ordine, quo ille sua composuit ante mortem, populo admirationem reliquit. Ciuium benignitas in nos valde fuit hoc anno illustris, qua 1260. Pardalum æs alienum est dissolutum. Ad sacram quoque vestem conficiendam, 1300. Pardali erogati sunt; cuius unum manuprecium 600. Pardalis estimatur (quamquam id quidem grauis constabit) præter ea, quæ Sodalitati, quæ in æde nostra instituta est, do-

est, donata sunt, quæ summa excedunt ferè 300. Par
dalum. Cum nauis quædam è Lusitania tempestate ad
eas oras appulisset, nostri ad littus prodierunt excipiē-
dis ægrotis, & ad hospitalem domum deferendis. quo
exemplo commoti ciues in partem Christiani officij ve-
nerunt, ac certatim, tum humeris, tum sellis ægrotos
ad valetudinarium deportarunt; ad quos etiam alien-
dos multæ eleemosinæ corrogantur. In hac autem re
maxime existit discipulorum nostrorum plena pietati-
tis sedulitas; qui officium illud cum ceteris obijisse non
contenti, quotidie valetudinarium adibant, ut duos Sa-
cerdotes de nostris, qui in ipso valetudinario ægrotorū
causa domicilium habebant, in ægris ministrando iuua-
rent. Et vero nostrorum discipulorum in omni Chri-
stiana virtute spectatum studium est; eorum multi ad
varias religiosorum familias sunt aggregati. duo ad So-
cietatem transferunt. Ii 300. in uniuersum ferè sunt,
quatuor in classes distributi; in quarum prima & alte-
ra docetur Humanitas, in tertia Arithmetica, in quar-
ta Abecedarij numeratur. Illa vero re Collegij huius
narrationem concludam, quæ primo loco ponî debuit;
in ethnicorum conuersionem nostri sedulo incumbunt,
atque in æde nostra baptismi aliquot ingenti pompa
sunt celebrati, in quibus quinque sexue fuere viri prin-
cipes: reliqui plurimi in diem S. Iacobi dilati sunt.

RESIDENTIA S. IACOBI.

S Iacobi Residentia ipsi Collegio Cocinensi subiecta
est, duosq. habet è nostris, qui tum in ethnicis con-

G uer-

ueritatis, tum in Christianis confirmandis operam na-
uant egregie. Ipso die S. Iacobi 150. in æde nostra ba-
ptismate lustrati sunt; anno autem in sequenti multos
etiam plures futuros speramus. Multi enim ex ethnici-
cis baptismum efflagitant, quos interea spe sustenta-
mus, dum rei maturitas adueniat. Vnius tamen puel-
le baptismus nullo modo differri potuit; quæ quoniam
miraculo ad Christianam fidem perducta est, paucis rē
exponam. Ethnico cuius in primis nobili filia nata est
oculis capta, quorum concava informis caruncula ex-
pleuerat. id cum parens vidisset, ac pro ea, quam cum
Christianis habebat, consuetudine, multa supra naturæ
vires, Christi Dei nostri ope facta olim audisset; vovit
curaturum se, vt filia baptizaretur, si oculorum usus
datus illi esset. voto facto visum puella recepit. Cum
autem pater segniter cunctando, voti fidem exsoluere
negligeret, filia subita vi morbi correpta ad vitæ finem
perducitur. Tunc pater in voti neglecti memoriam ve-
niens; votum iterum nuncupauit, filię se baptismum
non ultra dilaturum. Itaque duplicitis uoti damnatus
pater, filiam ad templum deduxit; eaq. summa omniū
gratulatione baptizata est. In eam vero curam maxi-
mè incumbunt nostri, vt qui iam Christiani sunt, ita vi-
uant, ne in eorum vitam Ethnici iure offendì possint.
qua in re Deo iuuante non nihil effectum est. Vnus
etiam vir nobilis monitus à Confessario, reditus quoſ-
dam lege ab ipso possideri non posse; in Confessarij se
potestate futurum dixit. quod eo magis mirum videri
debet, quod natio hæc in uniuersum lucro maxime ad-
dicta est. In vicina quoq. loca subinde excurrunt nostri
magno

magno Christianorum, qui inibi sunt, bono. Cum enim
iij Ethnicis miseri iuuant, eorum fidei puritati barbaro-
rum consuetudo obest plurimum. quo fit, vt infantes
multi parentum incuria non baptizentur, parentesq.
ipsi ad Ethnicorum ritus superstitionesq. delabantur.
Haec tamen difficultates Dei gratia paullatim tollun-
tur. institutum est enim, vt Christiani omnes mensibus
singulis ad nostrum templum veniant; ex quibus si
quem nostri sese Gentilium cœrimonijs admiscuisse
compererint; ijs pœnas, quas videtur, imponunt. quas
ipsi pœnas æquo animo, suorumq. scelerum detestatio-
ne suscipere videntur. Eius regionis Rex, Nouembri
mense permisit, vt non longè à nostrorum Residentia
templum ædificaretur. idem populis potestatem fecit,
vt Christiana sacra, qui vellent, amplecterentur, no-
stris etiam, vt in Christianos illos animaduerterent, qui
Christianis legibus non viuerent. Aliud præterea tem-
plum S. Andreæ, tum Christianorum, tum Gentilium
ipsorum liberalitate constructum est, atque in eo sum-
ma Christianorum lætitia, barbarorum confusione res
diuina nunc primum facta est. Multi Gentilium eo
commoti spectaculo ad Christum conuerti cœperunt:
Christiani vero, qui vel occulte barbarorum superstitionibus
fauebant, vel Christianam religionem palam
profiteri erubescabant; ad sanitatem rediere. Signū Cru-
cis dū erigeretur, multi Ethnicorū nobiliū affuerunt, è
quibus unus, qui rē ante impediens, oculis in cælū su-
blatis, lacrimabundus, Da, inquit, Deus immortalis, po-
tes nempe, hīsc rebus felicia incrementa, siquidē om-
nia in tuam vniuersitatem gloriam, & honorem instituuntur.

G 2 VAI-

V Aipicottæ Residentia Coccinensi Collegio similiiter adiuncta est; duo ibi commorantur è nostris, qui subinde in Angamale excurrunt, cuius incole Nestorianæ hæresi ferè sunt infecti, Christiq. corpus ab ijs sub viraq. specie communicatur. à quibus tam erroribus sensim ad Rom. Ecclesiæ veritatè traducuntur. est enim gens illa tum suæ salutis cupidissima, tum vero nostri amans, neque ut reliqui hæretici odio illo capitali ab ecclesia Romana dissident. Ad conciones et Missas ingentes fuit concursus, nostrosq. ut in suos ad se vicos quam frequentissimè proficiantur, multis precibus inuitant. Sanè autem Concionatorum in ijs partibus mira paucitas est: numquam enim frequentiores, quam ter singulis annis, conciones habentur; ne in ijs quidem locis, in quibus Archiepiscopus, Archidiaconusq. versantur. quo fit, ut Societatem nostram, cuius opem in animi corporisq. periculis semper ipsi præsentem experiuntur, & quæ summi, atq. infimi magno pere diligent, atque obseruent. Eorum etiam plurimi iam Cassanarum, magistrorumq. suorum vitam publicè, priuatumq. detestantur. Cassanari enim cum nostrorum præsentia suam apud populum auctoritatem imminui videant, in dies magis, occultè nos odere Superioribus mensibus plebem concitarunt, ut ex ijs partibus nostri expellerentur, quod eorum vicinitatem perniciem aliquam incolis afferre posse dicitarent. Sed videlicet veritati mendacium cessit; paucorumq. audacia, consensione populorum, qui nos retine-

tinebant, victa est. quo in motu Archiescopi, & Archidiaconi benevolentia, ac studium in nos multo illius perspectum est; qui etiam nostra opera, & consilio ad res omnes temporales, ac spirituales æquè utuntur; potestatemq. fecerunt liberè in omnem illam oram excurrendi. Cupiebant maximè Christiani, vt ipsorum festa celebrarentur à nostris; id hoc anno Assumptionis B. Virginis die fieri est cœptum; quo die Sacerdos è nostris ipsorum lingua concionatus est, ac iubilæum promulgavit, quod tribus abhinc annis Archiepiscopi, ac P. Generalis rogatu, Pontifex Max. dedit, cuius caussa multa hominum millia confluxere: plurimi etiam sacrum Christii corpus ritè suscepserunt.

RESIDENTIA COVLANENSIS,
& Trauancori.

Coulani septem resident de Societate. Ex ijs autem, qui ad fidem conuersi sunt, familiæ nobiles duæ fuere, quarum altera capitibus 14. altera 19. censemebatur. Hæ ad Christiana sacra deferenda ab Ethnico dynasta sollicitatæ, cum in suscepto proposito persisterent; barbarus rumores sparsit, vi eas ad Christianam religionem pertractas. Itaque (quod è re diuina tunc visum est) in publicum productæ, atque interrogatæ, ea responderunt, quæ aduersarij silentium imposuerint, omnemq. in posterum calumniandi occasionem præciderint. Duarum factionum animi ad concordiam reuocati sunt; quarum altera cum inter Præfectos duos, strenuos viros, altera inter ciues esset affi-

G 3 nibus

nibus florentes, cædes ingentes gliscentibus odijs portendebant.

Oram Trauancorensem tres incolunt è nostris, qui Superiori Domus Coulanensis parent; ij in perpetua quadam peregrinatione viuunt. totus enim ille tractus, qui vastus est, ab ipsis percurritur, Christianorum locis visitandis, ijsq. in fide confirmandis. qua in re magnum sèpè adeunt uitæ discriminem ob flumina, quæ frequentissima occurunt. Verum itineris molestias, quæ sanè maximæ sunt, suaves reddit, fructus qui ex Christianorum emendatione percipitur ingens: infantes enim plurimi baptizantur, parentesq. ad meliorem vivendi rationem reducuntur. Res accidit in ipsis partibus permira, qua incolis multò maior in S. Crucis signum, pietas cultusq. injectus est. Cum enim mulier quædam ex mancipijs, ad Crucem iuratura accessisset, & terrimum sibi morbum imprecata, ni res ita se haberet; periura; postero die eo ipso morbo corripitur, atque a domino, qui morbi contagionem timebat, domo ejicitur. Itaq. cum ab omnibus deserta esset; iudex misericordia commotus, mulierem ad Crucem dedit, monetq. ut periuri quam suppliciter possit, veniam petat; pusillum etiam pulueris, qui ad imam Crucem iacebat, illius collo suspendit. Mirum dictu: tertio die mulier sana facta est.

PESCARIAE, ET AETHIOPIÆ Residentia.

IN ora Pescariae sexdecim versantur è Societate, maximis illi quidem, sed virilissimis occupationibus

bus distentii:nam præter concionem , quæ singulis Dominicis festisq. diebus ad vniuersos fit ; quinque præterea hebdomadis singulis ad eos , qui frequentius confitentur, habentur adhortationes : binæ quidē ad viros , tertia ad mulieres separatim, quarta ad Scholaſticos , quinta ad seruitia; ex quibus fructus colligitur non exiguis. Confitentium magna vis fuit hoc anno, 900. circiter generalem ritæ confessionem instituerunt; atque ut his vacari posse, qui videntur egeniores ; coguntur nostri confessiones eorum, qui sacramentum illud frequentius obeunt, in alia tempora reiçere. Baptizati hoc anno sunt aliquot natu iam grandes, quorum baptismus Paschatis ipso die peractus est. quāquā in ea re nequaquam præcipites nostri sunt: nullus enim ad illud sacramentum admittitur , qui non lentè probatus sit ; quæ etiam cautio adhibetur in Eucharistia sacramento: Paschatis tamen serijs 800. ex incolis communicarunt cum Præfecto loci, & omnibus militibus; qui etiam nostrorum suasu veteres quasdam inimicitias deposituit. Alter circiter annus est, cum nostri Crucem in ihs partibus erexerunt; ad eam magnus Christianorum, & gentilium concursus est: quo etiam in loco ijs se impetrare dicunt, quæ postulauerint; eleemosinæque plurimæ ab ijs conferuntur , ita ut earum summa hoc anno 300. aureorum fuerit: quæ omnes in pauperes familias distribuuntur . Manar Lusitanorum arx est: huius Præfectorus cum ab incolis dissideret, ad concordiam cum ijs per nostros traductus est: incolæ etiam ferre omnes communicarunt.

In Aethiopia tres de Societate versantur , qui pu-

G 4 fillum

104 INDIÆ ORIENTALIS

sillum Catholicorum gregem inter tot barbaros atque Schismaticos preclare tuentur. ij Lusitanæ Regibus & Barnagao extinctis, ab Aethiopum Regem vexari cœpti sunt; propterea quod is, viatoris aliquot de Turcis partis elatus, dictitat sese Christianorum ope non indigere.



PRO.